

Cynigion a Gwelliannau i'w Trafod ar 24 Mai 2006

Cynigion a gyflwynwyd ar 17 Mai 2006

Dadl Fer

Mick Bates (Sir Drefaldwyn): Archfarchnadoedd – Bendith neu Felltith?

NDM3060 Jane Hutt (Bro Morgannwg)

Cynnig bod y Cynulliad Cenedlaethol yn penderfynu:

1. Bod Pwyllgor, i'w adnabod fel Pwyllgor Penderfyniadau Cynllunio (2) 2006-4, yn cael ei sefydlu yn unol â Rheol Sefydlog 17 y Cynulliad i gyflawni swyddogaethau'r Cynulliad yng nghyswllt y materion y cyfeirir atynt yn yr Atodlen i'r cynnig hwn a nodir yng nghyswllt pob mater yn yr atodlen honno a bod swyddogaethau'r Cynulliad yng nghyswllt y rheiny'n cael eu dirprwyo i'r Pwyllgor hwnnw.

2. Mai aelodau'r Pwyllgor hwnnw fydd:

Carwyn Jones (Cadeirydd)

Glyn Davies

Jocelyn Davies

Tamsin Dunwoody

3. Bod y Pwyllgor yn peidio â bod pan fydd Cadeirydd y Pwyllgor yn llofnodi'r llythyr penderfynu yn unol â Rheol Sefydlog 17.16 neu ar 30 Mehefin 2006, pa un bynnag a fydd gyntaf.

4. Os bydd y Pwyllgor yn peidio â bod heb i'r Cadeirydd lofnodi llythyr penderfynu mewn perthynas â'r mater a nodir yn yr Atodlen i'r cynnig hwn, yna, yn yr achos hwnnw, dirprwyir y swyddogaethau a nodir ym mharagraff 1 uchod, yng nghyswllt mater o'r fath, i'r Prif Weinidog.

Atodlen

CAIS CYNLLUNIO A ALWYD-I-MEWN DAN ADRAN 77 DEDDF CYNLLUNIO GWLAD A THREF 1990 GAN Wm MORRISON PLC A SHOPARAMA LTD AM SIOP FWYD A MAES PARCIO CYSYLLTIOL YN HEN SAFLE BROWN-LENOX, GER YR A470, PONTYPRIDD.

APÊL CYNLLUNIO DAN ADRAN 78 DEDDF CYNLLUNIO GWLAD A THREF 1990 GAN MORBAINE LTD AM SIOP FWYD DOSBARTH A1, GORSAF BETROL/GOLCHI CEIR, PARCIO A GWASANAETHAU A CHYFLEUSTERAU CYSYLLTIOL YNG NGHLWB

RYGBI PONTYPRIDD. HEOL SARDIS, PONTYPRIDD.

NDM3061 Jane Hutt (Bro Morgannwg)

Cynnig bod Cynulliad Cenedlaethol Cymru, gan weithredu dan adran 62 (1) (b) Deddf Llywodraeth Cymru 1998, yn penderfynu dirprwyo i'r Prif Weinidog holl swyddogaethau'r Cynulliad Cenedlaethol a gynhwysir yn neu o dan Ddeddf Trafnidiaeth (Cymru) 2006, ac eithrio'r rhai na ellir, yn ôl y gyfraith, eu dirprwyo yn y modd hwnnw:

Ni fydd dim yn y cynnig hwn yn lleihau goruchafiaeth awdurdod y Cynulliad llawn nac yn lleihau rôl Pwyllgorau'r Cynulliad wrth arfer y swyddogaethau uchod.

Gwneir y dirprwyo hwn ar y ddealltwriaeth y dirprwyir y swyddogaethau hynny ymhellach, fel y bo'n briodol, i'r Gweinidog Cynulliad priodol ac i staff.

Gellir canfod copi o Ddeddf Trafnidiaeth (Cymru) 2006 ar y Rhynggrwyd drwy ddilyn y ddolen gysylltiedig: http://www.opsi.gov.uk/acts/acts2006/ukpga_20060005_en.pdf

NDM3062 Jane Hutt (Bro Morgannwg)

Yn ystyried egwyddor Gorchymyn Deddf Trafnidiaeth (Cymru) 2006 (Cychwyn) 2006 y gosodwyd copi ohono yn y Swyddfa Gyflwyno ar 4 Mai 2006.

NDM3063 Jane Hutt (Bro Morgannwg)

Cynnig bod Cynulliad Cenedlaethol Cymru:

1. Yn ystyried adroddiad y Pwyllgor Deddfau a osodwyd yn y Swyddfa Gyflwyno ar 16 Mai 2006 ynghylch y gorchymyn drafft, Gorchymyn Deddf Trafnidiaeth (Cymru) 2006 (Cychwyn) 2006; a

2. Yn cymeradwyo bod y gorchymyn drafft, Gorchymyn Deddf Trafnidiaeth (Cymru) 2006 (Cychwyn) 2006 yn cael ei wneud yn unol ag:

a) y drafft a osodwyd yn y Swyddfa Gyflwyno ar 4 Mai 2006.

NDM3064 Jane Hutt (Bro Morgannwg)

Cynnig bod Cynulliad Cenedlaethol Cymru, gan weithredu'n unol â Rheol Sefydlog 26, yn cytuno bod yr Ysgrifennydd Gwladol yn gwneud y Transport and Works (Applications and Objections Procedure) (England and Wales) Rules 2006 [copi Saesneg yn unig], a osodwyd yn y Swyddfa Gyflwyno ar 16 Mai 2006.

Mae priodoldeb y Gorchymyn yng Nghymru yn amodol ar gydsyniad Cynulliad Cenedlaethol

Cymru.

Gosodwyd y Memorandwm Esboniadol a'r Asesiad Effaith Reoliadol yn y Swyddfa Gyflwyno ar 16 Mai 2006.

NDM3065 Jane Hutt (Bro Morgannwg)

Cynnig bod y Cynulliad Cenedlaethol, yn unol â Rheol Sefydlog 6.6 (xiii):

1. Yn nodi'r ffordd dryloyw y mae Llywodraeth y Cynulliad yn cynnal ei pherthynas â'r byd busnes;
2. Yn cydnabod yr angen parhaus i weithio gyda'r sector busnes ac undebau llafur wrth ddatblygu polisi.

Gwelliannau a Gyflwynwyd ar 18 Mai 2006

Cynnig bod y Cynulliad yn penderfynu mabwysiadu'r gwelliannau isod i gynigion:

NDM3061

Jocelyn Davies (Dwyrain De Cymru)

Ar ôl 'na ellir, yn ôl y gyfraith, eu dirprwyo yn y modd hwnnw' rhoi:

'a'r rhai dan adran 11 y Ddeddf (sy'n ymwneud â'r pwr i roi cymorth ariannol i alluogi neu hwyluso darparu gwasanaethau a/neu gyfleusterau trafnidiaeth awyr)'

NDM3065

1. Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn galw ar y Prif Weinidog i wneud popeth o fewn ei allu i'w gwneud hi'n fwy anodd i swyddi gweithgynhyrchu gael eu hadleoli dramor, trwy wella hawliau gweithwyr yng Nghymru.

2. Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cynulliad Cymru i gyhoeddi ei chyfraddau llwyddiant yn adfachu cymorth grant a ddyfarnwyd i gwmnïau a gefnodd ar Gymru wedi hynny.

3. Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cynulliad Cymru i roi blaenoriaeth i fuddsoddi mewn busnesau cynhenid.

4. Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cynulliad Cymru i roi sylw penodol i'r diwydiannau bwyd a phrosesu bwyd, yn wyneb y colledion swyddi diweddar.

Gwelliannau a Gyflwynwyd ar 19 Mai 2006

Cynnig bod y Cynulliad yn penderfynu mabwysiadu'r gwelliannau isod i gynigion:

NDM3061

Lisa Francis (Canolbarth a Gorllewin Cymru)

Ar ôl 'na ellir, yn ôl y gyfraith, eu dirprwyo yn y modd hwnnw' rhei:

'a'r rhai dan Adran 5 y Ddeddf (sy'n ymwneud â'r pŵer i sefydlu Cyd-awdurdodau Trafnidiaeth)'

NDM3065

1. Kirsty Williams (Brycheiniog a Sir Faesyfed):

Ychwanegu pwynt newydd ar ddiwedd y cynnig:

Yn galw ar Lywodraeth Cynulliad Cymru i sefydlu system rhybudd cynnar ar gyfer busnesau sy'n wynebu colledion swyddi, fel bo Llywodraeth Cynulliad Cymru yn gallu gweithredu ar fyrder i helpu i liniaru colledion swyddi.

2. Kirsty Williams (Brycheiniog a Sir Faesyfed):

Ychwanegu pwynt newydd ar ddiwedd y cynnig:

Yn galw ar Lywodraeth Cynulliad Cymru i weithredu strategaeth swyddi gwyrdd.

3. Kirsty Williams (Brycheiniog a Sir Faesyfed):

Ychwanegu pwynt newydd ar ddiwedd y cynnig:

Yn galw ar Lywodraeth Cynulliad Cymru i sicrhau bod gan yr adran Menter, Arloesi a Rhwydweithiau yr un statws ac apêl brand ag Awdurdod Datblygu Cymru.

4. Lisa Francis (Canolbarth a Gorllewin Cymru)

Dileu'r gair 'tryloyw' ym mhwynt 1.

5. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn galw ar bwyllgorau pwnc perthnasol y Cynulliad i ystyried materion a godir yn y Cyngor Partneriaeth Busnes ac i gyflwyno argymhellion i'r Gweinidog yn unol â hynny.

6. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn galw am ad-drefnu'r Cyngor Partneriaeth Busnes.

7. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cynulliad Cymru i wneud datganiad ysgrifenedig neu lafar gan y Cynulliad ar alwadau a gofynion a wneir gan y Cyngor Partneriaeth Busnes.